

丹陽縣志補遺卷之十九

藝文

五古

五日與董思白泛曲阿後湖時競渡畢集

明 姜士昌

艾服狎漁汀蘭舟弔屈平漁父常苦醉楚臣常苦醒何
來投湘書及此湖流清荷花競西來太史亦東行霓旌
並雲旗相將泛澄瀛煙波溯空闊雲日漾虛明如張洞
庭樂宛作沅湘行水勿期太清士勿期太醒醒士醉所
笑清流濁所爭蟹螯佐拍浮魚龍憎濯纓但取一日適

丹陽縣志補遺

卷之十九 藝文

一

勿煩千載名

六月既望偕印希愚練塘觀荷 清 厲 翼

吾邑遠江山練湖負郭邇襟帶西北隅吐納長山水波
心築滸墅滄溟結廬市盛夏蕃芙蕖凌波集仙子我來
已愆期紅妝不可俟萬頃葉亭亭殘葩晨星爾吁嗟弱
冠年邑宰殊不鄙不以賄自封來將棟宇理木石輦於
山桃柳江洲徙彩閣煥明霞雕梁俯清泚不知羣兒愚
那用故摧此存者日就傾樓危尚足倚倚樓望所思宛
在水中泚老僧說滄桑徬徨夕陽裏

湖上碑亭復湖時
所建邑令王時昌

因之廣殿宇營樓閣建書院築長堤繞堤植桃柳眾怒
其貪殘譟聚逐之索其黨於湖亭毀書院遂無完宇

七古

石壁題名

明唐寅

七峰山上多石壁虎踞龍蹲兼卧立有時斜疊波濤文
蘚鎖苔封半乾濕主人乘興恣登臨不速長携三五客
台閣山林半相雜一時謔浪皆文墨梯高躡險不肯辭
淋漓每掃如椽筆深鏤淺刻動錐鑿從此長年費功力
我也從旁記姓名太歲庚辰年正德雖然汗漫一時事
百年轉眼成舊跡試聽夜聲風雨中應有鬼神驚且泣

季子廟看沸井歌

清賀履謙

延陵名郡山之阿嘉賢古廟鬱巍峩沸井有六今如何

丹陽縣志補遺

卷之十九 藝文

二

建元之初奏金石掘地類丈泉懸河中有木簡色堅白
廬山真人跡無訛縣公鑿穴騰奇波至今四井如江沱
清濁鬻沸音鳴鑼煮鼎火烈冲銀鷺晝夜汨汨翻生鼉
源遠流長地脈多並結爭赴相盪摩黃河落天正如是
理勢小大同一科

程孝子詩

梁恕

孝子名元德丹陽人道光元年隨父至運河口
父失水孝子赴救俱死翌日抱父屍出邑令王
台表以石

程孝子父驚墮河落水底孝子救父救不起翌日抱父
同出水彼惟知地之如砥曷嘗知水之無涘彼惟知親

之可生曷嘗知身之必死前有曹娥後陳榮嗟乎孝哉

程孝子

見昭陽扶雅集

林丈愚軒得陳少陽硯屬題

周 櫟

林公手持石一片云是陳公舊時硯公乎吾鄉英大節
宋史見此硯古樸形令我觀之神色變李綱不用汪黃
起宋室興亡辨由此洞觀國計誰慷慨公時太學諸生
耳位卑言高古所戒伏闕號呼信爲詆嗟呼此時何時
哉國勢蒼黃寇深矣敵騎長驅金幣空小人得志方懜
懜率土皆臣義難恕委身圖救將非忠名流手澤世所
寶此硯何幸得隨公丹陽故居河之滸雷雨中宵折樓

丹陽縣志補遺

卷之十九 藝文

三

柱天教此硯出人間河嶽英靈氣難沮七百年來無缺
虧定有鬼神爲守府遙想揮毫草奏時淚和墨瀋飛如
雨耿耿土中石共堅未同碧血埋中土臨安宮殿片瓦
亡公之硯石傳千古昔聞文信國有硯玉帶生物由人
重資賞識淋漓大筆爲歌行况公此硯歲尤遠世上端
歎何堪衡與翁瓣香同展拜願翁什襲逾金城

觀音粉

林壽春

村戶蕭條北風緊男啼女哭炊煙冷骨立黃瘦命如絲
紛紛爭掘觀音粉捧腹啾啾面似鬼苟延殘喘心獨喜
誰知秋疫忽流行十家患病九家死我聞此粉佛所致

佛兮佛兮爾何鄙何不點石成黃金否則移山爲粟米
胡爲粉不粉兮土不土佛之法力豈如此

五排

石壁詩

明 楊一清

孫山之北有石壁焉高十餘丈巉巖奇古孫思和請余觀之爲賦一章屬善工鏤之壁間未必不爲將來故事也正德

戊寅四月二十七日

壁立自何年丹厓有路緣雲開繡幕裏春溢彩屏間不
涉龍門險還同鐵柱豎山光相映帶草色任盤旋禮納
南宮拜詩煩太史鏤地靈宜如此天作豈徒然坐語三
生外幽尋兩屐邊向來揮翰手空賦假山篇

丹陽縣志補遺

卷之十九 藝文

四

五律

題丹陽永泰寺練湖亭

唐 張 祜

小檻俯澄鮮龍宮浸浩然孤光懸夜月一片割秋天淺
派殘沙草餘波漂岸船聊當因澮畝披拂坐潺湲

題經山詩

宋 姚 鵬

古刹外塵境青山伴一生林深宿鳥托洞冷秋雲橫竹
影過酒淥松聲入琴清俗物不在眼聊足舒幽情

過竇氏莊

周 孚

渠家五村後卜宅近青郊老竹窗前幹寒松屋外梢方
拋汗腳韉眞得蓋頭茅落日春山路病夫還解袍

玉乳泉

明張存

福地發靈源千年瓮井存淵淵凝石髓脈脈出雲根
曉汲銀牀滑時嘗玉乳渾茶經因試讀名品至今尊

題延陵曲阿書院

孫方

卜築依曲阿林泉趣自幽月明書帳冷池淨墨花流
火蕪知茶熟簾開識樹秋此中無箇事高論共相酬

玉乳泉

邵位

長日宜人處閒園一草亭池蓮初破粉煙樹欲流青
雨過衣翻冷風迴酒易醒坐來詩興發漁唱起幽汀

憶鄧孺孝山人

眭石

丹陽縣志補遺

卷之十九 藝文

五

竹樹蕭蕭晚煙波渺渺秋無魚還自釣有酒復何求
憶弟春塘草懷人雪夜丹一尊留宿地回首十年游

城霞閣

郭應詔

河流迴轉處飛閣倚崢嶸百雉當窗出羣峰入檻平
崎嶇成帝業生死重交情日暮一登覽悲風千里驚

春曉之陵口馬氏別墅

孫宏孝

問稼向郊東開帆漸曉風海天初日出野市淡煙籠
鷺起平沙上鐘聞遠寺中誰家好春色一墅小桃紅

登三義閣文峰塔

孫宏孝

高聳青雲上登臨落照齊千峰迎閣迴一水抱城低
檻

外風帆轉天邊煙樹迷自從形勝得那用鉢催題

自題野宜園

園任小東門水關上

蔣 惺

鋤盡荒園草叢篁闢徑幽踏雲先得路問月更登樓既集詩千卷偏宜酒一甌莫愁生計拙容我有林邱

春日游惠山

劉元祥

招提萬松裏春日此幽探雲氣流孤壑湖光帶遠嵐僧從花底出禪向酒中參醉倚雲亭望漁歌落暮潭

同徐癯翁過柳汁庵贈三開

清賀 寬

初地依林靜蒼然映古墻水清能浣俗花靜不飛香點易承朝露翻經送夕陽竹參新徑曲還繞讀書堂

丹陽縣志補遺

卷之十九 藝文

六

冬夜踏月普甯寺

賀 鑒

庚寅仲冬侍御王公慕吉迎青牧師講楞嚴於此寺維時緇流景從士庶駢集余同伯兄子秦及毘陵史光庭鄒訐士同里姜引蘅允澄蔡天聽張亮公丁又孟伊冉僧慎修凡十一人與焉已忽忽三紀於茲矣俯仰之間諸君悉化為異物而予子然僅有存者然其窮愁衰老亦已甚矣康熙丙寅十月望從寺中步歸清光闐然塔影兀立回思昔年陳跡如在目前不勝咫尺河山之感因賦此述懷

三十餘年事驚心此月中清輝孤塔峙舊影一宵同身世隨飄梗升沈寄冥鴻魯靈光尚在白首悵途窮

夜泊呂城

蔡 芬

石尤風作惡舟泊呂蒙城市岸鄉音雜河橋月色橫空

囊思貴酒隔舫正調箏咫尺家園在依然滯客程

和廖明府經山銀杏二首

楊兆魯

古木逾千載凌霄障數峰根盤蹲虎豹葉密護虬龍
籟接天風迥影隨山月濃秦封猶在否追配岱巖松
嘉樹誰封植蕭梁紀大年幾經人閱世依舊鳥啼煙老
幹冰霜飽高枝星斗懸精英堪萬古桃李敢爭妍

遊沈山

姜藻

積雨暗柴關秋晴赴沈山松陰分石色楓葉染霞斑
寺僻人初到崖容鳥自還銅碑無處訪斜日下泉灣

花朝後同人集妙覺寺

印昌世

丹陽縣志補遺

卷之十九 藝文

七

賽鼓春煙裏匆匆度歲華重尋清寂趣又到梵王家
僧定鳥依竹風香客問花俗塵應不到相與啟窗紗
不朽吾儕業非耽破寂寥詩吟唐近體書倣晉東朝
討論資淵博收羅及肖翹竟陵如可作重與証花朝

晚過練塘寺

劉守中

市塵知不到習靜有禪關門掩幾家月雲歸何處山
過橋燈火細入夜梵鐘閒昔日談經地重來愧鬢斑

石曼卿祠

李寶緇

芙蓉城裏客練水有遺祠潦倒騎驢日風流墮馬時
故人曾憶友學士只吟詩試別豐碑讀低徊永叔詞

九日游經山寺

劉淮

儘有游山興何人載酒來一峰初落木九日獨登臺紅
葉經霜醉黃花傍樹開快吟情未已不意晚鐘催

七律

元日過丹陽明日立春寄魯翰

宋蘇軾

堆盤紅縷細茵陳巧與椒花兩鬪新竹馬異時甯信老
土牛明日莫辭春西湖弄水猶應早北寺觀燈欲及辰
白髮蒼顏誰更說曉來頻嚏爲何人

送石曼卿

范仲淹

河光嶽色過秦關英氣飄飄酒滿顏賈誼書成動西漢

丹陽縣志補遺

卷之十九 藝文

八

謝安人笑起東山亨途去覺雲天近舊隱回思水石閒
此道聖朝如不墜疏封宜在立談間

歸休亭八首之三

諸葛賡

小築危亭聚石淙清溪環繞不通江栽成傲骨梅千樹
呼出棲雲鶴一雙垂釣艇乘新漲水攤書光借夕陽窗
勳名事事皆堪避只有詩情未肯降

日影初升半竹篙一天晴色讀籬騷憑欄對客浮樽斝
隔水聽人正桔槔拂去梁塵餞乳燕掃歸松栗煮秋濤
柴門正對青青柳浪說新詩欲擬陶

水國微茫境不凡籜冠蘿帶芰荷衫雲歸洞口鹿常卧

葉落巢門鳥自啣採藥道人過峭壁汲泉童子下層巖

名山書卷封題處多少煙霞護玉函

歸休亭在邑東門外七十里大華村

今大華西橋龍興庵卽是亭故址亭額蔡襄所書今尙存

丹陽樓

沈括

碧城西轉拂蒼煙日遶闌干一握天
青草暮山歌扇底美人瑤瑟暝鴻邊
吹聲隱隱江都月弄影翩翩建業船
流盡古來東去水又將秋色過樓前

題季子廟

元薩都刺

公子不來春草綠故宮禾黍亦離離
沸泉尙有千年井古篆猶存十字碑
去國一身輕似葉歸田兩鬢細如絲

丹陽縣志補遺

卷之十九 藝文

九

李家兄弟染朝血莫過延陵季子祠

夏日遊廣福寺

孫景文

一筇敲破梵林煙老衲倉皇驚晝眠
碧水青山供笑傲綠籬怪石任攀援
爲題詩句磨蒼壁旋洗茶鐺煮玉泉
清致可人歸未得無由此地學逃禪

望湖亭重修落成和王東里韻

明湯日昭

閒來登眺歷崇邱湖上亭開勢欲浮
蔥蒨四山環碧落巉岼一曲枕寒流
漁歌梵唄皆清賞望遠憑高一壯遊
蓮社重修風物勝綵毫先唱耀千秋

秋日同友人游六度庵

鍾鳴陞

白雲縹緲擁諸天碧殿參差雉堞邊聽法共來雙樹下
論文卻憶十年前隔林漁市分秋色近水人家起暮煙
華髮自憐驅世務何能此地更逃禪

同張伯復楊復明讌集惠山棲霞亭

丁鴻陽

絕巘孤亭許醉登重湖入望碧波澄帆移松頂隨飛鳥
寺出林間覆古藤煙雨萬家懸雉堞水雲千頃汎漁燈
汲來玉乳茶堪煮坐月談空欲共僧

路人招提一水臨閒亭坐久落花深煙迷漁艇無人問
雲掩禪關有鶴尋青玉拋空皆作案蒼虬倒影自成林

丹陽縣志補遺

卷之十九 藝文

十

不堪愁思斜陽裏長笛淒淒雜遠砧

早春汎舟過聖墅庵

丁鴻陽

東風一棹下平川偶過祇林欲問禪堤柳含青煙共嫋
巖梅破白影孤懸石中梵啖留雲護松下茶鐺帶雪煎
聞道支公能說偈不知何處覓真詮

初夏過丁卯橋尋許渾山莊

丁鴻陽

停車爲問許渾莊白石橋邊綠徑長隴麥晴翻高下浪
山花風送去來香千秋逸調空流水一片斜陽剩短牆
弔古尋幽無限意江天漠漠樹蒼蒼

陳邁卿邀遊白鶴山

丁鴻陽

問水尋山路不迷振衣直上白雲梯千秋鶴去留孤塚
五色瓜殘有舊畦無數飛花邀客醉多情好鳥向人啼
尊壘既盡猶呼酒回首疎林落日低

湖山佳勝亭次管邑侯韻

丁一中

萬峰迴合開佳勝孤嶼亭懸迥隔凡練水靜澄秋浩渺
長山晴對碧巉巖笛聲鳥語參差響極浦黃河遠近帆
登覽不緣明宰化幾能清暇聚松關

送姜鳳阿較士入蜀

周愛

太史文章山斗高十年天祿校書勞黃麻舊視鸞臺草
白馬新翻豸錦袍萬里秋風清使節三巴時雨化英髦

丹陽縣志補遺

卷之十九 藝文

十一

九重側席求賢輔應向池頭想鳳毛

九日登白鶴山

王用賓

一上高峰望眼賒風煙猶自隔京華雲中樹擁金牛迥
湖上山連白鶴斜四座風松聲似雨滿林霜葉色如花
休教烏帽樽前落短髮羞看老孟嘉

姜水部二酉留意朱陽典故纂練塘考將成詩以

紀之

張捷

草堂精上少塵埃柳下携筇問字來丁卯遺文開紫氣
權公故宅滿蒼茹縈迴緩楫尋花去澹蕩持樽帶月回
千載淵淳應毓秀詞人幾輩擅鴻才

遊惠山寺

清 楊志遠

閒侶尋扶石橋外山谿歷亂信步前汀蘆花白風瑟爾
霜寺葉黃人悄然松閣推窗最宜酒漁舟隔浦疑眞仙
爲憐勝地客來少獨有老衲談枯禪

和錢馭少徙居丹陽原韻

葛 暉

一肩行李荷綱常卽次茅簷倚練塘竹響石窗風戛翠
詩成草徑菊堆黃家貧自況莊周鮒節苦誰憐蘇武羊
滿眼蘼蕪煙若夢爭如葵藿只傾陽

此日浮生總屬殘流光如電擲花欄浮槎莫繫身同梗
知己相投味若蘭月寫疎櫺梅韻古霜揮中夜劍芒寒

丹陽縣志補遺

卷之十九 藝文

十二

何如江上風濤靜好去三山着屐看

尋吏部窪沈山秋色謁天玉楊先生墓

吳思祖

吏部窪宋吏部郎中王揚英之墓沈山南唐吏部尚書沈彬之墓其陽曰李山乙酉歲楊天玉先生棄鄉貢隱居此山築生瑩設石几友過相訪嘗偕隱其上越三十八年未嘗暫離至癸亥秋卒於山舍卽就葬焉事載安樓先生傳

王家窪接沈山阿偏怪含香遯跡多紅葉千株舖嶺嶂
漆燈一盞照陂陀郎官舊轍遺佳傳處士新阡發薤歌
慨自先生歸去後秋來寂寂少行窩

恭頌濂溪書院

姜兆錫

鄒嶧煙寒幾歲年重教畫象吐先天堦前綠蔭王孫草
沼畔香浮君子蓮五嶽煙雲誰是主九垓風月獨無邊
溪名偕與廬山麓到處鄉關在眼前

呂城懷古

丁燿

都督軍符付阿蒙建牙吹角此城中千尋雉堞銷沈盡
二月鶯花今古同大帝雄才終漢上髯公遺廟遍江東
春風催棹頻回首誰說荊州第一功

沈山

周彥曾

小山石片望嵯峨落日漁樵起嘯歌花覆層巒春氣暖
松鳴幽澗夜聲多當年有客耽青嶂此日何人卧薜蘿
丹陽縣志補遺

卷之十九 藝文

十三

我亦夢中曾一到他時可許結茅過

過經山宿宗教寺看銀杏有感

吉夢熊

樹爲晉代物大四十圍近燬於火
而根未枯上已茁芽詩以誌感

昔遊重到碧山隈晉代遺株付劫灰境僻故容千歲樹
年深遽邁六丁災捎雲蔽日成陳跡布葉抽條茁故荑
說與寺僧勤守護莫教剪伐失滋培

丁卯橋懷古

荆彥鳴

勝事傳聞自六朝南徐酒美府兵驕東來樓櫓通江浙
西上帆檣接海潮古道夕陽收牧馬長堤日落見歸樵
江山風月知多少卻憶詩人丁卯橋

重日後一日登城霞閣

湯登泗

郭外煙青望眼寬
獨登高閣俯雲巒
悲秋漫說詩情苦
求友應教酒興歡
千頃落暉溪帶綠
萬家霜氣葉飛丹
重陽昨夜多風雨
剩得茱萸儘自看

九日偕邑中諸子登城霞閣

於震

四面天風下水窗
背雲征雁一雙雙
閒中歲月秋將老
醉裏鬢眉恨未降
山勢盤空南到海
潮聲動地北連江
眼前世界原空闊
忍負蕭騷此一腔

五絕

送元詵還丹陽

唐郎士元

丹陽縣志補遺

卷之十九 藝文

十四

已知成傲吏
復見解朝衣
應向丹陽郭
秋山獨掩扉
過呂城有懷蔣山人

明孫宏孝

春水片帆斜柴門
幾樹花踟躕
回首望恐是野人家

金牛洞

清魏塋

獨立斜陽裏
風光滿日秋
祇餘巖洞古
何處覓金牛
七絕

書陳少陽遺墨後

宋劉宰

贖死何由可
百身遺書獨足驚
來人當時珍重千金子
此日淒涼一窖塵

舟次丹陽驛

明高啟

沽酒來尋水驛門
隣船燈火語黃昏
今朝始覺離鄉遠
身在丹陽郭外村

題樓鶴亭

並叙

清 鄒魯望

康熙辛未清和既望越三日夜半月出澄虛皎
潔萬籟無聲清氣寥廓雪舟說法於普寧寺忽
聞碧窗清唳穿雲而來俄而有一小鶴曳元裳
刷銀鬣就蒲團聽法逡巡不去不知其爲有覺
耶無覺耶是鶴耶非鶴耶爰構一亭以駐仙羽
是月之晦有羽士踰躔來皎然塵外揮塵清談
眾皆爲之款曲竟不知鶴已翩然去矣請題其
亭曰樓鶴邑中人無不驚異因賦六絕以誌之

靈鷲山頭振素翎
朝餐玉露夕餐苓
數聲清磬驚雲表
故逐天花夜半聽

潔身皎皎塵難惹
撒下丹砂從般若
若月白風清天外翔

丹陽縣志補遺

卷之十九 藝文

十五

會將參透西來者

素琴作伴共虛舟
曾渡江臯溯碧流
一粒丹砂知有得

莫隨羽客上瀛洲

曾唳霜空破寥廓
翩翩直上雲間落
斂容竚足叩蒲團

爲問秋潭影何着

掠舟鼓翅境偏真
幻入當年夢裏人
欲脫塵寰歸舊島

誰能識得是前身

鶴來明月正當時
鶴去清風那得知
來去無心更何有

此中真意倩誰知

來埤堰

姜兆錫

百斛帆檣飛不住河干相對語斜暉故人分手從茲別
載得滿船明月歸

麥舟百斛祇輕塵爲憶金蘭話舊因多少翻雲覆雨客
臨溪欲渡只迷津

陳山

吉夢熊

嵯峨壁立疑無路宛轉山均別有村此是羲皇前世界
秦人謾詫武陵源

林鳥嗚呼山鵲鳩山農愛種淡巴菰數聲簫鼓喧同巷
一幅朱陳嫁娶圖

小東門覽古

顏熒

丹陽縣志補遺

卷之十九 藝文

十六

吾邑舊城無濠而上多古木自宋及元傾圮已盡明嘉靖間倭入寇縣令陳公始築內城既患其隘縣令史公復增外城余幼時門闕遺址尚在

兒時習見猶城闕日久空瞻古樹存無數行人橋上路
只今仍喚小東門

定波門感舊

循市河而北爲城垣地稍西俗名定波門築外城後已者塞矣

直北門原號定波爲尋舊蹟幾經過朦朧煙樹湖光裏
鱗舍漁莊長綠莎

反正梁書

林植本

梁庾元威一百二十體書載反正書者大同中東宮學士孔敬通所創建陵華表刻文皇帝神

道一係正書在左右上一係反書在右石上歐陽永叔誤以梁為宋集古錄所載止有正書無書反

華表遺文體勢舒鶴銘持較定何如冥搜卻惜歐陽老

未覩梁陵反正書

荆城港 港通白鶴溪上有荆王廟

荆履吉

荒涼祠廟今猶昔遺址蒼茫溯漢朝惆悵一灣溪水碧

扁舟搖過渡雲橋

附考證

唐李白贈丹陽橫山周處士詩 考證見 吳融過丹陽詩

水連劉尹宅基平 考陸應陽廣輿記鎮江名宦載晉劉穆之與劉琰為丹陽尹東晉時丹陽

丹陽縣志補遺

卷之十九 藝文

十七

屬今之江甯 許渾湖上鴛鴦詩 曲阿詩綜作練湖鷺按詩意係鷺鷥

宋王存妻吳氏告敕 乾隆志 乞賜吳季子封爵疏闕名

據季子碑九里志作楊傑傑時知潤州 陳東登聞檢院上欽宗疏伏闕上

欽宗疏上高宗第三疏 文集疏俱作書 蔡肇練湖春霽

詩 乾隆志作譚知柔

元薩都刺普甯寺詩 乾隆志作普甯寺夜按詩意有夜字

明張存重修練湖碑記當洪武三十有四年 練湖志碑碣作建文

三年考明史洪武止三十一年無三十四年言三十四年者蓋文皇削去建文年號仍以洪武紀年誤也姜志禮湖漕成案沿府志作洪武辛巳按辛巳仍建文三年

清顏熒九日登仙霞閣詩 仙係城 景昌懷蕭塘建陵碑

詩昌
楠櫟名樹
應改正

丹陽縣志補遺卷之十九終

丹陽縣志補遺

卷之十九 藝文

十八